

御倭史料汇编

中国文献珍本丛书

御倭史料汇编
(五)

全国图书馆文献缩微复制中心

责任编辑 姜亚沙

中国文献珍本丛书

御倭史料汇编（全五册）

编辑者	姜亚沙 经莉 陈湛绮
出版者	全国图书馆文献缩微复制中心 （北京文津街七号）
印刷者	临京古籍印装厂
发行者	新华书店北京发行所
印刷日期	二〇〇四年五月
印数	一一一五〇
定价	二二〇〇元

未经授权 不得翻印

经略御倭奏议

御倭史料汇编目录（五）

经略御倭奏议

卷六目录

卷六

卷九目录

卷九

卷十

四一三
二七一
二二七
三一

經略禦倭奏議目錄卷之六

急缺回兵正將酌議陞補以資彈壓以杜

原

萌疏附覆疏

科部查勘已畢會審未竟先行官軍久候人心驚疑謹直敘行勘始末大槩以明觀聽并請早賜催勘以遏亂萌亟行罷臣以息兌謀疏附覆疏

賊臣黨和賣國謀殺戰臣懇乞天恩亟行查勘正法并先賜罷臣以救東征文武疏

校臣飾罪妄奏懇乞

聖明嚴行查勘以明

心迹疏

校寇已蕩善後宜周乞就近調用大將以固
屬藩以均勞逸疏附覆疏

監軍憲臣身故異域懇乞

聖慈破格恤錄

以勵忠勤以光戰伐疏

倭氛已蕩遵例

獻俘并解

進得獲器械

備審倭將口詞以光

慶典以俟

宸斷

疏附覆疏

經略禦倭奏議卷之六

欽差總督劉遵休等處覆奏糧餉經略禦倭兵部堂書無都察院右都御史邢馨

○補回兵將領疏

題為急缺回兵正將酌議陞補以資彈壓以杜
亂萌事照得兵猶火也不戢自焚衆而無統
勢必致亂况回軍之際人心易玩苟無正將
統之未有不費區處者東征諸將或陣亡或
緣事中間員缺固非一人然有兵歸原伍而
他將可以代領還鎮者有兵宜解散而不必
另議將領者臣不敢瑣

實以滋多事外該臣會同巡撫宣府等處地方贊
理軍務都察院右副都御史王 查得原
調宣府舊遊兵營入衛薊鎮兵二千原係都
司馬呈文統領東征今本官以中路失事擬
死所遺前兵應在撤回之數而該鎮未經議
有專領之將兵撤將行難以久候除一面委
官沿途管攝外該鎮道稟稱暫攝之官難以
遠赴宣鎮當急于宣鎮中查一官題補作速
迎接前來不惟回鎮既便且係本營專官亦
便約束該各官公舉得見任靖胡堡守備黃

鉞彎弧九矢無虛馭士一塵不染利兵繕甲
已試上谷長城躍馬揮戈允堪薊門鎖鑰况
以本地之將管領本處之兵尤為相習相應
陞補前缺令其不必候代星夜迎來接押前
兵回鎮伏乞

勅下兵部將黃鉞即陞宣府舊遊兵營入衛薊鎮
遊擊統押前兵合用

勅舊照例

請給行令欽遵任事庶回兵有專領之將而邊鎮
亦有裨益矣等因奉

聖旨兵部知道欽此該兵部覆議為照宣府舊遊
兵營兵馬原係入衛薊門先該總督邢 議
調都司馬呈文統赴東征本官以債師擬辟
員缺正在候補今據題稱該營兵馬已議撤
回代署之官終難管束議將守備黃鉞坐名
會題陞補前來無非為官擇人以便彈壓之
意相應覆

請合候

命下將黃鉞量陞署都指揮僉事充宣府舊遊兵
營入衛遊擊將軍不必候代星夜迎至中途

接押前兵回鎮本部備查原擬責任請

勅一道齎付本官欽遵行事合用

符驗旗牌照舊交代收用遺下員缺另行推補等

因奉

聖旨是欽此

卷之八

八

○題科部會勘未竟疏

題爲科部查勘已畢會審未竟先行官軍久候
人心驚疑謹直敘行勘始末大槩以明觀聽
并

請早賜催勘以遏亂萌亟行罷臣以息兇謀事本
月二十五日早贊畫主事丁應泰投稟辭臣
大槩爲朝鮮有一呪文而去科臣徐觀瀾次
日亦行夫科臣係

特遣之官應泰乃原奏與勘之人當茲多官親歷
各路查勘甫畢之日正是非功罪昭明之時

二臣稍待二三日文武齊集再一會問則勘
事可完矣今感于朝鮮一呪詞而行則此事
何日可結外國十萬之衆度日如年安能久
待乎及查應泰於去年六月至今已上者五
疏未上者三四疏皆刊刻成帙傳入倭營而
陷穽機檻內應外合臣與東征文武呼天不
應叩

闕無門含冤受辱蒙謗被窘至極如和黨謀成朝
鮮必陷遼東山東必危再進而

陵京震動臣亦止以鴨綠江中爲投身之所矣臣

初意欲冒死陳訴第以奉有

嚴旨毋得彼此叅論是以臣日慰諸臣靜待科臣
持平而理且悉心以圖倭賊已不敢致辯但
應泰自去年八月過江途中叅論朝鮮君臣
通倭招囂一疏該國君臣以此切齒每聚衆
數千赴臣并撫臣勘科監院諸道府各衙門
執詞號呼而京北文武經過者與科院各道
京南點軍所至臣民悉具文赴訴勢若不與
俱生也臣等每以

聖恩安慰之又以大義曉諭之幸無他故自九月

初三日應泰馳抵王京科臣尚未到將各營
識字三四十人差跟隨亡命于中夜拏禁本
衙門先鞫以嚴刑後犒以酒肉又數日賞以
銀各三錢鞋一雙又令丘一復備猪羊押赴
南門外軟血不許變口色色刑迫賞誘開導
等項臣不能一一盡述即臣標下寫字以二
鼓拏撫臣標下寫字以三鼓拏大槩要與原
奏之數合也而差人不體恭意旁及無辜如
搶奪故官王澧等銀物又乘許國威行李搜
拏之後差人亂嚷欲遍搜各官行李以致